

**Fitondrana Rajoelina = Fahantana, kolikoly, trafikana volamena,
vatsim-pianarana tsy voaloa, fisondrotana karama tsy misy,...**

6

NY VALOSOA

Gazety misheo intelo isan-kerinandro
(Talata - Alakamisy - Sabotsy) VAOVAO

Talata 22 martsa 2022

Laharana 1277

Vidiny : 400 Ar

Nidonan-tsetroka ny tany Mahajanga **6**

**Nitaky ny vatsim-pianarany
6 volana ny mpianatry
ny Oniversite**

www.gvalosoa.com

gvalosoa@yahoo.com

facebook : gazety valosoa rakoto

Fetin-dry SEG sy ry Rajoelina tany Analanjirofo **2**

**Noterena handoa vola
ireo groupement-na zandary**



Rina Randriamasinoro **2**

**Ravalohany no ho kandidan'ny
TIM amin'ny fifidianana ho avy**



Fanarenana ny RN6

7

**Ho sarotra na
tsy ho vitan'ny fitondrana Rajoelina**



Alliance Diaspora Malagasy **2**

**Mampalahelo ny ankamaroan'ny
Malagasy, sahirana ny firenena**



Andilanatoby Ambatondrazaka **6**

Zazavavy miisa 7 no indray nihe-tsika ambalavelona tany an-tsekoly

3

Antoko AREMA

**Nanamarika ny faha-46 taona
nijoroany ny 19 martsa teo**

3

Daka kely

**Nijery fety bojy ny olona tany
Analanjirofo fa tsy nijery anareo
ry Boaikely a !**

RINA RANDRIAMASINORO

Ravalohany no ho kandidan'ny TIM amin'ny fifidianana ho avy

Nisolotena ny filoha Marc Ravalomanana, sy ny bira politikan'ny antoko Tiako i Madagasikara (TIM), ny sekretora jeneralynasionalin'ny antoko, Rina Randriamasinoro, nandritra ny fifampiarahabana traty ny taonan'ny TIM Avaradrano, teny amin'ny Fofikri Ilay ny sabotsy teo. Anisan'ny namafisiny tamin'izany, fa tokana ihany no ho kandidan'ny TIM amin'ny fifidianana filohampirenena ho avy, tsy misy afa-tsy ny filoha Marc Ravalomanana. Nanome toromarika koa izy ny amin'ny fanomanana ny kongresy nasiōnalin'ny antoko, sy ny fankalazana ny faha-20 taonan'ny antoko Tiako i Madagasikara amin'ity taona ity ary ny momba ny fikaonandoham-pirenena kasaina hatao hamahana ireo olana samy hafa eto amin'ny firenena. Hentitra i Rina fa iray tsy mivaky ny antoko TIM, kamila miray hina isika ahazoana vokatra tsara, hoy izy. Mivonona hiatika ny fifidianana 2023 isika ary mitaky fifidianana mangarahara sy marina, noho izany, ATAMBARO NY HERY, fa NY TONGA MIA-



Ny sekretora jeneralynasionalin'ny antoko TIM, Rina Randriamasinoro.

RAKA NO FANOMBOHANA, MIASA MIARAKA NO FAHOMBIAZANA, hoy ihany ity sekretora jeneralynasionality.

Isambilo

Fetidry SEG sy ry Rajoelina tany Analanjirofo

Noterena handoa vola ireo groupement-na zandary



SEG, jeneralynampitsinjahan'ny sivily teo imasom-bahoaka.

haka vola tamin'ny mpan-draharaoha na malala-tanana izy ireo. Ny nam-palahelo ihany koa tam-in'ny fety tany Analanjirofo iny, dia ny fanaovana fitaovana ireo maty ta-

min'ny fianjeran'ilay helikoptera, satria: nasaina na invités ny vady aman-janak'ltompokolahy pilote, niaraka nametraka gerbe na fehezam-boninkazo dia avy eo anefa nailika;

fa lasa i SEG nitokana ny kianja Sahavola tao Fenoarivo Atsinanana ary nitsinjaka niaraka tamin-dry Jerry Marcoss, nizara mari-boninahittra. Nitsinjaka sy nifaly teo ambonin'ny fatin'ny hafa, na-hazo galona sy decoration na mari-boninahittra noho ny sorona tamin'ny hafa. Nalefa nody izy 4 mianaka kamboty, fiana-kavian'ny pilote, rehefa avy nametraka fehezam-boninkazo, dia ry zareo nanao fety: ry Rajoelina sy ry SEG, sy ny forongony! Tsy vitsy no tohina tamin'izany zavatra ni-tranga tany Fenoarivo Atsinanana izany.

Ny Valosoa

Alliance Diaspora Malagasy.

Mampalahelo ny ankamaroan'ny Malagasy, sahirana ny firenena



Amirale Van Alexandre, tanora Malagasy mianatra any ivelany, filohan'ny Alliance Diaspora Malagasy.

Gazety Ny Valosoa Vaovao (GNV): Na fotoana fohy ihany aza no andalovanao eto an-tanindrazana, manao ahoana ny fahitanao ny zava-misy eto an-kehitriny?

-Amirale Van Alexandre (AVA): Vao tonga teny Ivato aloha dia hita fa nahafinaritra ny anijery ny seranam-piaramanidina vaovao, fa avy eo ny toe-po ary ny fahitanao ny fomba fiasa dia mirefarefa ary mampalahelo. Efa reraky ny dia nefo, ora maromaro vao tafavoaka ny seranam-piaramanidina. Avy eo indray rehefa tafiditra ny renivohitra, hita fa sahirana ny Malagasy, hita soritra amin'ny endri-ny izay fahasahiranana sy adimpianana izay. Tena latsaka an-katerena ny Malagasy raha tenenina amin'ny teny tokana.

GNV: Tsy teto Antananarivo ihany ianareo fa nitsidika toe-rena ambanivohitra koa, nanao ny tany raha ampita-haina amin'ny teto an-drenivohitra?

-AVA: Amin'ny maha-fikambana anay dia tsy teto an-drenivohitra ihany izahay, fa nitsidika toe-rena tany amin'ny fahitranivohitra koa. Hita fa tena mampalahelo ny olona any ambanivohitra, satria miaina amin'ny eo am-pelatanany izy ary ny tena maha ontsa fo dia

ireo ankizy tsy afaka mianatra zanaky ny tantsaha. Vokatra kely no eo am-pelatanany dia ireny ireo ankizy miaraka mihady vola amin'ny ray amandreniny. Vao mijanona ny fiafakodina dia manatona ny ankizy dia milaza hoe: ity mba vidio amin'izay misy any, maha ontsa. Amin'zao mbola misy an'izany hoe: ny hihinanany'ny hafa dia izay foinao. Sahirana ny firenena ary tena mampalahelo ny ankamaroan'ny Malagasy.

-GNV: Nihaona tamin'ny filoha Marc Ravalomanana ianareo avy amin'ny Alliance Diaspora Malagasy, manao ahoana ny amin'izay?

-AVA: Amin'ny maha-ray amandreny ny filoha Marc Ravalomanana dia tonga namangy azy izahay ary mankasitraka azy handray anay. Nisy tamin'izany ny fifanakalozan-kevitra amin'ny maha-fihaoan'ny ray amandreny sy ny zanaka azy. Tao anatin'izay fifampiresahana izay no namaritana, inona no azo atao hanasoavana ny firenena, satria tena sahirana ny firenena amin'zao fotoana ary na ny mpitondra aza dia miaiky fa tena miaina izay fahasahiranana izay ny firenena ankehitriny. Aty no niandohana dia aty no hiafarana, noho izany dia njery ny hahasoa ny Malagasy namana sy havana.

-GNV: Hiara-hiasa amin'ny filoha Ravalomanana ve ianareo izany amin'ny fifidianana filohampirenena ho avy?

-AVA: Ny Alliance Diaspora Malagasy dia tsy manao politika, na izany aza ny tanjon'ny mpikambana dia ny hoe: ny firenena tsy maintsy avotana,

satria ireo dispora dia manana andraikitra amin'ny fanarenana ny toekarena eto amin'ny firenena. Mandefo vola aty ny diaspora ary misy fiantraikany lehibe amin'ny firenena izany. Fa ny tena kinendry dia hijery ny mahasoa sy ny hahatsara ny Malagasy namana.

-GNV: Inona no zavatra ha-taon'ny Alliance Diaspora fohy ezaka eto amin'ny firenena?

-AVA: Izay no nahatongavanta, njery hoe: inona no fanampiana azonay hoentina ho an'ny mpiray tanindrazana, satria tena mahonena ny fiafian'ny Malagasy amin'zao.

-GNV: Ny fitondrana milaza fa ho afaka hifidy ny diaspora amin'ny fifidianana filohampirenena ho avy, ny fahitanareo

Ny Valosoa sy fakafaka

Fitondrana Rajoelina Mihisatra avokoa ny sehatra rehetra eo amin'ny fiafianam-pirenena

Saika misy olana na mihisatra avokoa ny sehatra rehetra eo amin'ny fiafianam-pirenena amin'zao fotoana izao.

Zara fa mihetsika izay afa-mihetsika amin'ny asa kasihin'ny fitondram-panjakana. Tsikaritra ho tsy maha-hiritra anefa izany, fa fotoana kely ihany dia mikatso indray. Tranga iray amin'izany, ohatra, ny zava-misy eny amin'ny Anjerimanontolo. Mitranga ny olana, miseho ny fitokonan'ny mpianatra eny Ankatsos indray tato anatin'ny andro vitsy izao, ary manambana na miseso toy izany koa ny eny amin'ny polyteknika Vontovorona, rehefa noeza hina nopenretina tsy hihetsika tamin'ny alalan'ny fisamborana mpianatra sy nihazonana azy ary fampakarana fitsarana. Mpianatra manao fitakiana ny hahatsara ny momba azy, mifafara amin'ny fiakarana fitsarana. Milaza hatrany anefa ity fitondrana ity, fa mitsinjo ny tanora Malagasy. Tsy izany no atao hoe mpitari-bato vilam-bava ve? Izany no atao amin'ireo lazaina hatrany hoe hoaviny firenena ity. Tsy amin'ny toy izany velively no fomba hitaizana ny tanora raha te-hanana olombanona any aoriania isika.

Sehatra eo amin'ny fampianaranana izany ary santomany ihany ao anatin'y, fa saika ny sehatra rehetra mihetsy no tsy mikoriana, ary tsy ahitan'ny fitondram-panjakana vahaolana hentitra sy mazava ary anaty fotoana fohy tato anatin'ny telo taona mahery nitondrany izao. Sahirana amin'izay hampihodinana ny kodiarana ny fitondrana satria ny mōtera mihetsy no voa, tsy mihodina. Raha ho an'ny mpandinika sy mpamakafaka ny fiafianam-pirenena, dia manao izay ampihodina ny fitantanam-panjakana sisa no ataony, eny fa na dia novaina aza ny mpikambana sasany eo anivon'ny governemanta. Io rahateo koa anefa, dia niaraha-nahita, fa tsy tena nisy fiovana lehibe akory, ary ny sasany vitsivitsy nahitana lesoka mody nafindra toerana fotsiny. Misy koa efa noesorina tany aloha, fa tsy nahavita sy nisy lesoka be, dia naverina ho minisitra indray. Izay no nahatonga ny maro nanontany tena hoe: moa tsy manana fa lany manam-pahaizana ity firenena ity? Midika ve izany fa miha-tampina ny daomy ho an'ny fitondrana Rajoelina, ary miha-tampin-dalan-kaleha ankehitriny? Ny sahanina tsy mihodina, ny ekipa mpiaramiasa mpanatantekana tsy hita ho mahavaha olana sy hahavita hanatsara ny fari-piainam-bahoaka mandirity ny fe-potoam-piasana. Inona intsony no ho vitan'ireo ato anatin'ny 18 volana amin'ny fano-vana ny fiafianam-bahoaka hihatsara kokoa. Fitondrana tsy haharesy ny fahitanra manageja sy mamono ny vahoaka andro aman'alina na dia miseho ho miasa sy milaza ho efa nahavita aza. Ny any amin'ireo olom-bitsy mpanohana sy mpisolelaka miara-dia aminy ihany angamba, no ambarany amin'izany, fa tsy mahakasika ny sarambabem-bahoaka, Maherin'ny 90%, velively izany. Raha ho an'ny mpampiady akoho dia miandry sarahana sisa izao fitondrana izao, satria efa resy tanteraka, tsy hitany intsony ny lalan-kombana.

Sôh'son

an'izay?

-AVA: Matoa ny fitondrana nifandimby tsy nampifidy ny diaspora hatreto dia sarotra tanterehana na mbola tsy mety izany. Tsy vita 2, na 3 taona, eny hatrarin'ny 5 taona aza izany, satria ny masivo hoto tsy mazava ny tena asany momba izay. Be ny Malagasy any ivelany mbola tsy nanitsaka izany Masivo hoto izany, ka sarotsarotra ny hanatanterehana azy, mety hiteraka olana raha misy 0 mampy fotsiny ohatra amin'ny fanisana. Aleo ny fidi-dianana eto an-toerana, eto amin'ny firenena aloha no hatsarina, izay vao hirosoana izany fandraisan'ny any ivelany anjara amin'ny fifidianana izany, raha ho atao ihany any aoriania.

Isambilo

Ny Valosoa sy hadihady

Mihantsy ady amin'ny vahoaka ny fitondrana Rajoelina

Tsy azo afenina intsony fa mitombo andro aman'alina ny tsy fitiavan'ny vahoaka malagasy izao fitondrana izao, noho ny antony maro samy hafa. Nanantena tokoa ireo nify azy tamin'ny fidifidiana, na dia dimy ambiroapolo isan-jaton'ny nandatsa-bato ihany aza no nify azy. Tany am-boalohany dia nindraindraina ny IEM, PEM, Plan Marshall, izay nambaran-dRajoelina Andry fa vina ho tanterahiny rehefa tonga eo amin'ny fitondrana izy. Rehefa tonga teo amin'ny fitondrana anefa izy dia niova ho "velirano" indray ny tetikasa satria manana lanja lehibe izany velirano izany eo amin'ny soato-vina malagasy. Anisan'izany ny Miami, izay tsy mazava na ny torapasika ao Toamasina no hampitoviana amin'izay misy any amin'ity tanana ity, raha tsy itanisa hafa tsy io. Anisan'ny laharampamehana nataony koa ny famerenana ny fandriampahalemana, indrindra any Atsimon'ny Nosy, ka hasiana "puces" ny omby rehetra, hividy "drone" sy angindimby 10 hahafahana manaradia ny dahalo. Rehefa niverina ny "kere" tany Atsimon'ny Nosy ihany dia nampanantena ny hanaovana fantsona hitarihan-drano hanondrahana ireo tany maina noho ny haintany. Raha ho an'ny any Avaratrity ny Nosy dia nampanantena Rajoelina Andry, fa hampiakatra avo telo heny ny vidin'ny lavanila sy hanangana ny Tranoben'ny Lavanila. Tsy nitsahatra nia-katratra ny vidim-piainana, ka telo taona miampy volana vistivitsy dia mikaikaika ny vahoaka manerana ny Nosy, fa zara raha mahavita herinandro ny karama raisin'ny mpiasa. Bodoin'ny mpanambola ny tamibahoaka, tsy eto an-drenivohitra ihany, fa hatrany amin'ny Faritra any koa. Nandalo ny valanaretrina covid-19 ary nahazo fanampiana valonjato tapitrisa dolara, tsy ho an'ny mpitontra fa ho an'ny vahoaka kanefa dia mbola takian'ny mpiara-miombonantoka ny mangaraharahara momba ny nandaniana izany volabe izany. Nandalo ny rivo-doza ary ny tany amin'ny Atsimo Atsinanan'ny Nosy no tena nitondra takaitra, kanefa dia tsy hita mazava ny fitsinjarana ny fanampiana tokony homena ireo traboina. Sahirantsaina ny mpiasa sy tompona orinasa mandoa latsakemboka ao amin'ny CNAPS rehefa naheno, fa vola amanjatony miliara maro no voahodinkodina ao, ary tena manara-penitra ny nisintonana vola tao nampi-samborina ny ben'ny Tananar'Antananarivo. Tsy nisy "investissement"-ny CNAPS ny vola ao fa volan'ny mpiasa sy ny orinasa nosintonina taminy isambolana (1% ny an'ny mpiasa ary 12% ny mpampiasa), ka fanoindinkodinam - bolambahoaka izany. Mitroatra ny mpandrahahara nanamboatra lèlana fa tsy voaloan'izao fitondrana izao ny karama nifanarahana ka-

nefa ny lèlana vita efa ho roa taona izao. Tsy mbola nandray ny vatsim-pianaranay ny mpianatra dimy volana miampy ny fampitaovana eny amin'ny Anjerimantolo, polyteknika Vontovorona sy ny eny Ankatsa. Torak'izany koa ny mpandrahahara ara-teknika eny amin'ny Ambaratonga Ambony, sy ireo nilatsaka antisitra-po tamin'ny fitsaboana ny mararin'ny covid-19 eny amin'ny CTC. Sahiran-tsaina ny mpitantana orinasa, na ny eny amin'ny orinasa afaka haba aza, noho ilay lazain'ny ao amin'ny sampandrahaharan'ny hetra "redressement fiscal". Tsy diso anjara amin'izany fitakiana volabe izany izay manana trano eto an-drenivohitra, ka misy miakatra avo folo heny mihitsy ny hetran-trano takiana aminy. Raha ireo no jerena dia toa tsy manam-bola izao fitondrana izao, kanefa rehefa mijery ny fiara ampiasain'izy ireo sy ny trano onenany dia tsy izany velively. Ny olana dia telo taona sy telo volana aty aorian'ny nitantanan'izao fitondrana izao ny Firenena dia tsy nisy tanteraka ny velirano nataony, fa fotodrafirasa tsy misy ifandraina amin'izay nanaovany velirano no nihazakazany natsangana (Colysée, Kianjan'i Mahamasina,...). Nilentika tanteraka ny Orinasam-pirenena Air Madagascar, ka tamin'ny tetezamita dia namidin-dRajoelina Andry 25 tapitrisa dolara, raha 60 tapitrisa dolara no tokony ho vidiny, ny fiaramanidina Air Force One II kanefa tsy fantatra hoe: narotsaka taiza izany. Efa manomboka koa ny fialan'ainan'ny Jirama matoa omena "subvention" aman-jatony miliara kanefa dia nifampizara samy nahazo miliara ireo manampahefana ao? Manginy fotsiny ny fanitsakitsahan'ny mpitondra, manomboka amin-dRajoelina Andry, ny lalana velona ary ny tena zava-doza dia ny fanitsakitsahana ny Lalamporenana. Maizina tanteraka ny lèlana nitondran'ny governemanta teo aloha an'i Madagasikara kanefa dia natsangana indray ny "vaovao", izay efa miteraka resabe eo anivon'ny sehatra rehetra sahady. Aleon'izao fitondrana izao mamelona ny mpamboly any ivelany amin'ny fanafarana vary any, fa ny tantsaha malagasy 80% avelany hitsipozipozy. Raha ireo tranga ireo no tombanana dia efa leo tanteraka an-dRajoelina Andry sy ny mpiaradina aminy ny vahoaka malagasy. Hita taratratra indray fa misy mpikambana voatendry ao amin'ity govenemanta ity no tsy sahin-dRajoelina Andry andraisana fepetra, tokony ho ao an-tsainy mandrakariva anefa fa "aleo halan'andriana toy izay halam-bahoaka". Tsy maintsify hivondrona daholo ihany izay tratry ny tsindry hazo lena sy voailikilika ary iharan'ny tsy rariny, satria misy fetrany avokoa ny zavatra rehetra.

Andry Tsivalona

TIM AVARADRANO

Nihaona ho amin'ny fanamafisana ny firaisan-kina

Fotoan-dehibe ho an'ny mpikatoka eo anivon'ny antoko Tiako Madagasikara (TIM) Avaradrano ny Sabotsy tontolo andro lasa teo. Tamin'io andro io mantsy no nifamotoanan'ny rehetra, teny amin'ny FOFIKRI Ilafy, nihaonana ho fifampiarahabana amin'izao taona vaovao 2022 izao. Saika nahatonga solontena teny avokoa ny avy amin'ny kao-mina 16 mandrafitra ny distrik'an'Avaradrano. Tonga nanome voninahitra izany ihany koa ny avy amin'ny Birao politika Tim, notarihan'ny Sekretaria Jeneraly, Rina Randriamasinoro. Nandrity ny fandraisany fitenenana no nilazany ny amin'ireo fanamby telo lehibe ape-traka ato anatin'ny herintaona, dia ny momba ny kongresy, ny ny fikaonan-doha nasionaly, ary ny fidifianana filoham-pirenenia, izay ho hatrehina amin'ny 2023. Ilaina araka izany ny firaian-kina



ary fotoana fijoroana izao, hoy izy. Mila ampahafatarina ny Malagasy, fa tsy mendrika azy izao zavamisy izao. Nomeny ihany koa ireo toromarika ho an'ny antoko momba ny fifampitondrana anatiny. Manana finoana fa tsy maintsify ho avotrintsika ity firenena ity, hoy izy, tam'in'reo mpikatoka antoko Tim Avaradrano. Zava-dehibe ny firiason-kina ao anatin'ny antoko,

hoy ny dépiotén'ny Tim Avaradrano, Randriambolaina Gerry. Zava-dehibe ny fihaonana toy ireny, ary fameloma-maso ny antoko. Mbola vonona ny mpikambana Tim eny antoerana, hoy izy. Tsy misy afa-tsy ny filoha Ravalomanana miampy ny RMDM, no afaka hanavatra ity firenena ity raha ny nambarany. Marihina, fa niditra mivanta tamin'ny alalan'ny

finday ny filoha Ravalomanana, niresaka tamin'reo mpikatoka Tim tonga teny Ankadikely. Tsy maintsify atao modely Avaradrano, hoy izy. Hafaliana ny an'ireo mpikatoka nandre ny feony, sy izany hafany izany na dia tsy nihaona nivantana aza. Nofaranana tamin'ny fira-pha-nisakafo ny fihaonana.

Sôh'son

Antoko AREMA

Nanamarika ny faha-46 taona nijoroany ny 19 martsa teo

Tsaroana ny faha-19 martsa teo ny faha-46 taonan'ny antoko Arema ary nomarihina tamin'ny alalan'ny fifampizarana vatomamy sy mofomamy izany. Ny hoe "Arema , vahaoaka , Tanindrazana " no teny filamatra hiahangany'ity antokon'ny Amiraly ity amin'izao fotoana izao. Noraisina ho toy ny hafatra ny nahalasanan'ny filoha mpanorina, ka nampijoro ireo vato namelan-kafatra hamelo-maso ny antoko. Tsy navela ho maty miaraka amin'ny mpanorina akory ny antoko hoy ny sekretera nasionalin'ny antoko Arema Ramatoa Annick Ratsiraka. Manaraka akaiky ny toe-draharahan'ny firenena ary mandray anjara amin'ny fampandrosoana an'i Madagasikara ny antoko. Nanamafy ihany koa ny sekretera nasionaly fa handray anjara amin'ireo fidifidiana ho avy ny antoko. Ho an'ny fankalazana ny 29 Martsa indray dia hisy fanopoam-pivavahana lehibe, ho karakarain'ny antoko eny amin'ny Chapelle militaire Betongolo, amin'io fotoana io no ho fahatsiarovana ny filoha teo aloha Didier Ratsiraka. Hotohizana amin'ny fanaterana fehezam-boninkazo eny amin'ny fasan'ny mahery fo izany .

Stefan



Ny fanamarihana ny faha-46 taonan'ny antoko Arema teny Faravohitra.

TOMONKALO

Antso avo ataon'ny mpampianatra

Ry mpampianatra mahantara sady tena faraidiny, Fa ataon'ireo mpitontra ho olona tsy misy vidiny. Tonga ny ora sy fotoana hijoroana eo anoloana, Hanehoana fa ianao dia tena tsy olonolom-poana !

Fa tsy tongatonga ho azy tao anaty fitondrana, Ireo rehetra izay mirehaka ho nahazo fahefana, Raha tsy nisy anao nijoro, nanana fandavantena, Ka nizara ho azy ireo fahaizana sy fahendrena !

Koa dia rariny mihitsy raha asiana fijerena Anao mpampianatra mijaly sady tena mahonena, Fa ianao no tena angady izay lazaina fa nananana, Sady vy izay nahitan'ny olo-maro fiadanana !

K'aza ailikao mpitontra na atao ankilabao Ireo mpampianatra izay tena naha toy izao anao. Andeha amboary ny karamany ary ataovy mba mirindra, Fa hatreto tena kely sy mazana ambany indrindra ! Moa tsy hitanao mpitontra sy mpitantana eny ambony, Ireo izay mbola mikarama vary fotsy iray gony ? Izay no raisiny isam-bolana ka inona no andrasana aminy Amin'izay karama kely tena tsy ahitany maminy ?

Raha izay hoe "manara-penitra", hatreto aloha tsy mbola tazana, Ato anatin'ny tontolo sy ny seha-panabeazana, Fa mahantara ny mpampianatra, (efa diso tafahoatra!) Ka tsy hisy fampianarana antenaina mba hivoatra !

Ny amin'izay mba "vatsy tohana" idedadana any ho any, Dia mazana ny mpampianatra tsy misitraka an'izany. Raha mba misy fanampiana , ny mpampianatra no gisitra, Na iniana hadinoina sy tsy atao anaty lisitra !

...Miantso anao handray andraikitra ry mpitontra tena miesona. Izao no ataoovy hoe "anti-mody" sady raiso mba ho lesona: Raha mahantara ny mpampianatra , ho potika ny fampianarana, Ka tsy hisy eto amintsika izany atao hoe fivoarana !

An-tsary misongadina Ny Valosoa Vaovao

Helisoa, LW

Tonga niarahaba ny filoha Marc Ravalomanana teny Faravohitra ny faran'ny herinandro teo, ny RMDM sy ny TIM avy any Mahajanga , noho ny taona vaovao. Teo no nifampitafa mikasika ny fiainampirenena sy ny fanatsarana ny antoko ny roa tonta tamin'izany.



Ny fanamarihana ny faha-46 taonan'ny antoko Arema teny Faravohitra.



Ny fambolen-kazo notanterahan'ny Jeunes TIM sy ny Jeunes RMDM tany Antsiranana ny sabotsy teo.



An-tsary misongadina Ny Valosoa Vaovao

Isambilo, Helisoa

Ny fifampiarahabana trathy ny taona ny TIM Avaradrano natao teny amin'ny FOFIKRI IIafy.



ANDILANATOBY AMBATONDRAZAKA

Zazavavy miisa 7 no indray nihetsika ambalavelona tany an-tsekoly

M irongatra indray amin'izao fotoana ny ambalavelona any Andilatobay any amin'ny distrikan'Ambatondrazaka, faritra Alaotra Mangoro. Omaly, zazavavy miisa 7 no indray nihetsika ambalavelona tany an-tsekoly. Zazavavy miisa 07 indray, no niara-nihetsika ambalavelona teo ampananganantsaina, tao amin'ny Ceg

Andilanatoby. Kilasy faha-06 ny 02, kilasy faha-08 kosa ny 02 hafa ary kilasy faha-9 ny 03. Mikikiaka sy mitomany ary mitady hirifatra handositra ireto an-kizy trataran 'izany. Noho izao tranga izao, nanapakevitra ny fiangonana any amin'ny faritra iny, hanao fotoam-pivavahana hadiana amin'izany asan'ny maizina izany.

Niaina**Ny tanan'an'Andilanatoby Ambatondrazaka.**

Ministra teo aloha Imbiky Herilaza

Nahazo didy tsy mahazo mivoaka an'i Madagasikara



Fantatra izao fa namohan'ny fanjakana malagasy IST, na fandrarana tsy mahazo mivoaka ny sisintanin'i Madagasikara, ny ministry ny fitsarana teo aloha Imbiky Herilaza, raha ny loharanom-baoavo avy ao amin'ny fitsarana. Raha tsiahivina, nametra-pialana tamin'ny toerana maha ministry ny fitsarana azy izy, tamin'ny volana Febrero teo, tao aorian'ny nahavoatonon-

tonona azy tamina resaka kolikoly avo lenta teto amin'ny Firenena, izay nipa ritaka teto amin'ny facebook. Mahavoasarangota azy koa ny raharaha Raissa, izay any amponja amin'izao fotoana. Mety hisy ve arak'izany ny fanadihadiana ity ministra teo aloha ity any fitsarana miady amin'ny kolikoly n any PAC ato ho ato?

Stefy**◀ Ny ministry ny fitsarana teo aloha, Imbiky Herilaza.**

Nidonan-tsetroka ny tany Ambondrona Mahajanga

Nitaky ny vatsim-pianarany 6 volana ny mpianatry ny Oniversite

Nidonan-tsetroka indray, ny tany amin'ny Oniversiten'Ambondrona tany Mahajanga omaly, mitaky ny vatsim-pianarany tsy voaloa nandritra ny 6 volana ireo mpianatry ny Anjerimanontolo any an-toerana. Nosakanan'izy ireo tamin'ny fandoran-javatra ny lalana nitayo ny Oniversite, nanambara kosa anefa izy ireo fa tsy hisy ny fanimbantjavatra. Tonga tany an-toerana ny mpitandro filaminana any Boegny, mbola tsy niditra tao amin'ny Oniversite izy ireo, fa niainohaino taty ivelany.

Niaina**Ny zava-nitrange tany amin'ny Oniversiten'i Mahajanga omaly.**

Uefa Champion's League

Fantatra ireo hikatroka amin'ny 1/4-dalana

Vita tamin'ny zoma 18 martsa 2022 lasa teo, tany Lyon ny antsapaka amin'ny lalao 1/4-dalana sy 1/2-dalan'ny fifaninana baolina kitra «Uefa Champion's League» : Tirage des quarts de finale :

- A : Chelsea - Real Madrid
- B : Manchester City - Athlético de Madrid
- C : Villarreal - Bayern Munich
- D : Benfica - Liverpool

Match aller (mardi 5 et mercredi 6 avril 2022), match retour (mardi 12 et mercredi 13 avril 2022)

Tirage des demi-finales :

- vainqueur B - vainqueur A
- vainqueur D - vainqueur C

**Antsapaka tamin'ny UEFA Champion's League.**

(26/27 avril : Demi-finales, aller, 3/4 mai : Demi-fi-

nales, retour) 28 mai : Finale – Stade de

France, Saint-Denis
Rainilita

Kaomina Alasora Avaradrano

Manao vaindohan-drahahaha ny hahatsara ny hoavin'ny tanora

Vaindohan-drahahaha eo anivon'ny kaomina Alasora Avaradrano, ny fitsinjovana ireo tsy an'asa, indrindra ny tanora amin'ny antoka ny amin'ny hoavin'izy ireo. Anisan'izany ny fikarakarana fanofanana mai-maimpoana ny amin'ny ahazoana fahazoan-dalana mamily fiarakodia, na « permis de conduire ». Maro ireo tanora tao an-toerana nisitraka izany. Tsy nijanona hatre, fa nitohy tamin'ny fijerena hatrany izay ha-hasoa ireo tanora ny kaominina, ka novela-rina ny sehatra nanome-zana fanofanana azy ireo. Sehatr'asa maro samihafana natolotra tao anatin'izany toy ny fambolena, ny asam-birao mifototra amin'ny teknolojia informatika, ny fanaovana motomamy isan-karazany. Tanora 30 no efainoaka tamin'ny fiofanana informatika, raha ny nambaran'ny Ben'ny tanana, Randriantsoa Jimmy. Ny tanjona lehibe ao anatin'izany, dia hampihenana sy hisorohana ny tsy fananan'asa amin'ny tanora eo anivon'ny kaomina iadidiany.

Zava-dehibe izao hetsika na sahanasa ataon'ny kaomina Alasora izao, izay mendrika ho mōdely ho an'ny hafa, f'izany tsy fananan'asa izany indrindra no olana lehibe eto amin'ny firenena ary tsy ahitan'ny fitondrana vahaolana nandritra ny taona maro izao.

Radafy**Ny ben'ny tanan'an'Alasora, Jimmy Randriantsoa.**

facebook NY VALOSOA
Gazety mizieho intelo isan-korinandro VAOVAO

Fitondrana Rajoelina = Fahantrana, kolikoly, trafikana volamena, vatsim-pianarana tsy voaloa, fisondrotana karama tsy misy,...

Rodrigo Ramanantsoa : fitondrana Rajoelina = FAHANTRANA, KOLIKOLY, HALATRA CNAPS, TRAFIKANA VOLAMENA, BOURSE & VACATION & FISONDROTANKARAMA ZERO, FAKO, DELESTAGE...

Gertrude Zamany : tsy misy raha manjary amin'ny fitondrana Rajoelina ty !

Eric Ny Aina: faty ol Ampamarinana, tondra-drano reg Betsiboka, COVID, cyclone misy masonry, kere, valizy misy kodiarana. Looozzaa!

Niry Hariso Niry: Eric Ny Aina: tena mahay tsenjeri ianao bravo.

Menja Rasolonomenjanahary: DIAHAOANA ZANY NO ATAO EH ! FA RAHA FB ANGE OHATRAN 'NY TSISY MIHAINO SADY TSY MISY MIRAHARAHA EH ...? MIALA ACTION HAFA KOA.

Rindrazo Rasoanaivo : fa NY ppn midangana no lehibe indrindra.

Rabugs Ndriana: ary ity faty isanandro @ covid19 'ty nga tsy misy dikany. ATAMBO.

Jza Rah: reo ao amin'ny inspécion de travail tsy miaro ny zon'ny mpiaisa in-tsony, fa ny mpampiasa manao ny tsy rariny no harovana satria manam-bola atao tolota.

Irantsoa Ramandimby : tena latska anaty lavaka mangitsokitsoka ny malagasy maro an'isa.

Tinah Ramasindray : fainana rehetra mihitsy no rendrika!

Penelope Rajohary: any an-kady ny firenena zao!

Christiane Rasoloarison : marina tanteraka.

Tantely Herimanampisoa : mitovy t@fitondrana tetezamita ihany, dia werawera kou en plus.

Tina Rakoto : insecurité, lalana potika...

Donne Arsene : Dada ihany no solution e !

Mily Ramilison : tena efa feno ny kapoaka !

Malala Razafy : ampiako kely we : KARAMA TSY MISONDROTRA FA NY IRSNA NO MIAKATRA.

Nicolas Randriamanampisoa : tsisy lainga.

Radisson Beckham : velirano faha-firy reo o ?

Mamitiana Rakotoarisoa : voa mafy leka sika!

Tsiferanirina Philibert : sarombilany.

Zeze Narovana : mbol ts ampy reo, fa tohizo ze mbol manana.

Solofonirina Sed : MIALA RAJOELINA !

Mpiandry raharaha

PHARMACIES DE GARDE
12/03/2022 hatramin'ny
19/03/2022

- GISELE (Ambodivonike-lyAnosivavakaAmbohimana-rina) 020 23 617 59/034 10 302 42
- ANDRAVOAHANGY (AndravoahangyPrés Epi d'or) 020 22 245 12/034 30 245 45
- MIARO (Galerie ARO Ampefiloha) 020 22 621 18 / 032 05 224 32
- OCEAN INDIEN (Analakely avenue de l'indépendance) 034 05 224 70 / 032 11 224 70 / 033 05 224 70
- METROPOLE (Antaninarenina) 020 22 200 25/020 22 675 22/033 15 200 25/032 07 101 71

HJRA (urgences) :
033 11 890 58 /
22 279 79

HOMI Soavinandriana :
22 397 51

Hopitaly Befelatanana :
22 223 84 / 22 6 N72 21

Hopitaly
Loteraña Ambohibao :
22 441 88 / 22 485 17

Clinique des Soeurs
Ankadifotsy : 22 235 54

Ambulances municipales :
22 200 40
Jirama:
Telma : (22)3547 (n° vert) /
Airtel : 03 35 47 /
Orange : 032 32 354

Pompiers :
Tél : 118/ 22 250 18/
22 225 66

Police :
Hôtel Central de Police :
17 / 22 227 35 / 22 357 09

1° Arrondissement
Tsaralalana : 22 280 54
2° Ambanidia : 22 309 46
3° Antaninandro : 22 291 30
4° Isotry : 22 280 51
5° Mahamasina : 22 280 48
6° Ambohimanarina :
22 225 52
7° 67 Ha : 22 291 29
8° Analamahitsy : 22 493 25
Brigade criminelle :
22 216 78 / 22 210 29 /
22 674 83 na 84

GIR : 22 227 35

Gazetim-baovao miseho
intelo
isan-kerinandro
Vidiny: 300 Ar
Adiresy: lot T 70 Ankadindrantombo

TALEN'NY FAMOAHANA :
Rahelisoa A.
034 79 07600

MPANAO GAZETY

Politika:
Isambilo: 033 24 783 65
Rajo: 033 80 022 53
Andry Tsialalona 032 07 744 55

Toe-karena :
Aly : 033 18 382 88

Kolontsaina:
Aris: 034 17 460 53
Beharo : 032 02 557 89

Fanatanjahantena:
Lita: 033 41 557 69

Mailaka:
gvalosoa@yahoo.com
NATONTAN'NY
Imprimerie de la RN7

Fametrahana 1277-03-2022
Isan'ny natonta: 10 000

Tsy azo adika, na alain-tahaka,
na antsaina amparahibemaso
raha tsy ahsazona alalana vita
soratanana avy amin'ny
tompony

FANARENANA NY RN6

Ho sarotra na tsy ho vitan'ny fitondrana Rajoelina

Ho sarotra na tsy ho vitan'ny fitondrana Rajoelina intsony ny fanarenana ny lalampirenena faha-6 (RN6). Maro ireo fahapotehana amin'izany lalana izany eo anelanelan'Ambondromamy, Mampikony, Antsohihy, Ambanja, Ambolobe ka hatrany Antsiranana. Tsy fahapotehana kely izany, fa tena fahapotehana lehibe tokoa. Fony mbola kely ny lavaka, tsy noraharahan'ny tompon'andraikitra ao amin'ny asa vaventy hoy ny solontenan'ireo mpitaititra amin'iny lalampirenena mianavaratra iny, izao efa lavaka be avokoa ireo hita, ka tena ho sarotra, na tsy ho vita mihitsy izany fanarenana izany hoy izy ireo. Na izany na tsy izany, miantso ireo tompon'andraikitra hijery vaha-olana haingana sy maharitra amin'izao olana mahazo azy ireo izao ny mpitaititra, sy ireo olona rehetra mampiasa iny RN6 iny. Vao ny faran'ny herinandro teo, taraiky ao Antsatramanera : anelanelan'Ambondromamy sy




Ny fahapotehan'ny lalana any amin'ny RN6.

Mampikony, ireo fiara vaventy mpitaititra entana hihazo ireo faritra any amin'ny tapanay avaratr'i Madagasikara. Mihitsoka tanteraka ny fifamoivoizana. Rahoviana ihany ilay fanamboarana nampanantaina ? hoy ny fitarainan'izy ireo. Mijaly ny vahoaka, tsy tafavoaka ny vokatra, tsy tonga any amin'ny tapany avaratra ny entana ary mety hisy fiantraikany amin'ny vidin'entana izany. Ny minisiry ny asa vaventy matetika midina any avaratra ary milaza, fa efa amboarina ny lalana, saingy mijanona ho fampantanenana poakaty, sy fakana sary fotsiny ihany izany. Vonjeo ny faritra Sava sy Diana ho ny tarainan'izy ireo, amboary ny RN6.

Stefa

BEHARO

Teny tondro (Ny Valosoa Vaovao) N° 389



Misy ny teny Malagasy ofisialy sy ny tenim-paritra

Ohatra : Valy = Vady

Valliny Teny Tondro (0388)

Mitsivalana

- Kapiteny
- Asa - Fa (miv)
- Ralambo
- Alina
- Tanfna
- Tevika (miv)
- Aloa - OMS

Mitsangana

- Karatra
- Lasa (miv)
- Palitao
- Anaka
- Tomany
- Avo
- Nao - Nem
- IF - Star (miv)

Jono any Menabe

Tsy ekena intsony ny drakaka madinika

Manoloana ny fahamroan'ny drakaka madinika miakatra an-tsena, sy mivoaka ato Menabe dia namory ireo mpan-drarara lehibe sy mpivat-tra madinika ao Bazar-be Morondava, ny taalem-parity ny jono ato Menabe, ka nivoitra tam-in'izany fa manomboka izao dia ho saziana izay ahitana drakaka tsy manara-dalàna ary raofina ireo entana tsy manara-dalàna, ka averina any anaty rano. Niaiky koa ireo mpandrahara lehibe, fa hiteny ireo mpan-jonony hamerina ireo drakaka madinika azon'izy ireo. Nanambara ny Jeneraly Zafera, izay isan'ireo mpandrahara vaventy, fa efa hentitra izy ireo amin'ny fanangonana entana, satria izy ireo dia manondrana any ivelany, ka sarotra ho azy ireo ny hividy ireo entana madinika, izay tsy manara-dalàna satria ny mpanjifan'izy ireo tsy mandray drakaka madinika ratsy kalitao, sady tsy mahafeno fepetra ireny drakaka madinika ireny hoy izy, sady tsy misynofony, ka izay no tsy handraisani'izy ireo ireo drakaka madinika. Vonona koa ireo mpandrahara ny hanohana ny fitaleavam-parity ny jono amin'ny fampitaovana, mba hisian'ny fanaraha-maso sy fampiofanana ireo mpihaza drakaka ary ny hampidirana ireo mpihaza ho ara-dalàna.

Ny Jeneraly Zafera dia Jeneraly efa misotro ronono, nisafidy ny resaka fandrahahana, fa tsy toy ireo namany izay midongy toerana hatrany, na dia efa misotro ronono aza, mialokaloka amin'ny politika sy fiarovana tombontsoan'olom-bitsy hoy Jeneraly Zafera. Ny ahy hoy hatrany izy, fandrahahana ity no andraikitra entiko hampivo-rana ny faritra misy ahy sy ny fireneko.

Rajepa

TENY MIFANARAKA

N° 389

A	B	D	E	F	G	H	I	J	K
1									
2									
3									
4									
5									
6									
7									
8									
9									
10									

Mitsivalana

1. Mandeha tsirairay mifandimby
2. Mari-bola – Loko – Ane-lanelan'ny fito
3. Fito andro
4. Toeram-piasana – Bibilava (miv)
5. Solfa – Tolona
6. Manao ahoana
7. Volana (miv) – Vorona
8. Farihy lehibe (miv) – Tovona (miv)
9. Ranomasimbe – Taova
10. Lasa tsy nisy fanantenana – Tanan-de-hibe

Mitsangana

- A. Heloka
- B. Tokana – Marika
- C. Mpanoritra – Mampifankanta olon-droa (miv)
- D. Ao anatinareo ireo
- E. Laoka – Rano maloto
- F. Teny fanandrata (miv) – Maimbo sy masiso
- G. Omby – Maro loko
- I. Raim-pianakaviana – Haja sy voni-nahitra (miv)
- J. Nianjera, rava
- K. Akora – Teny ratsy

Valiny Teny mifanaraka 0388

Mitsivalana

1. Gorodona
2. Alimo - Sy
3. Tanimbaray
4. Andrianina
5. Rora - Divay (miv)
6. Vata (miv)
7. Fanina (miv)
8. Anana - Lova (miv)
9. Fa - Amalona (miv)
10. Ony - Aminay

Mitsangana

- A. Gitara - Afo
- B. Nanatona (miv)
- C. Randrana E. Olibavina
- D. Dimy - Nana
- G. Ombaina - OM
- H. Noana - Anana
- I. Rova - Van(o)
- J. Siny - Zoma
- K. Fy - Ady - Lay



NY TENY FIANIANA

"Ny mahira-tsaina rehetra miasa amin'ny fahalalana; fa ny adala kosa mampiseho hadalana."

Ohabolana 13:16

Sakafo Ny Valosoa

FITILIANA MPILALAO BAREA U23

Mbola hitohy amin'ny sabotsy izao ny hetsika

Nihoatra ny nampoinzina fa naherin'ny 300 isa mahery tany ho any, ireo tanora mpilalao baolina namaly ny antson'ny Ufiscam, ka niatrika ny fitiliana natao teny amin'ny kianja synthetika teny Ambohidratrimo, niaraka tamin'ny ligin'ny baolina kitra eto Analamanga, tamin'ny sabotsy 19 martsa 2022 lasa teo. Noho izany dia nanapakevitra ireo tompon'andraikitra, fa hotohizana amin'ny sabotsy 26 martsa 2022 izao ity fitiliana mpilalao ho an'ny tanor'analamanga ity. Marihana fa nihoatra lavi-



Ny kianja synthetika eny Ambohidratrimo.

tra be noho ny isa 15 no-lazaina ihany koa ireo mpanazatra nanatante-raka an'izany fitiliana izany.

Rainilita

Basket-ball

Misaona indray ny fanatanjahantena Malagasy

Misaona indray ny tontolon'ny fanatanjahantena malagasy, nodimandy tamin'ny sabotsy 19 martsa 2022 lasa teo tany Nosy-Be faritra Diana, ny filohan'ny sekisiônan'ny taranja basikety baolina any Nosy-Be Diana, Marius Guy BACARI, fantatry ny maro amin'ny anarana hoe "Président Guito. Niditra eo amin'ny fotoam-piasana fanidroany nitantanany an'ity sekisiôna ity izy izao nindaosin'ny fahafatesana izao, ka niara-niasa akaiky hatrany tamin'ny FMBB na teo amin'ny fikarakarana fifaninanam-pirenena, na koa nandritra ny fahomanana ny Ekipam-pirenena Malagasy, niatrika ny fifanintsanana ho an'ny "Afrobasket" natao tany Kigali tao anatin'izany. Izahay eto amin'ny gazety Ny Valosoa Vaovao dia maneho etoana ny fiarahar-miory amin'ny ankohonana nilaozany ary mirary fiononana feno hoan'ny fianakaviany manontolo, ny fianakaviamben'ny Basket-ball ao Nosy-Be sy Diana ary koa ny fianakaviamben'ny basikety Malagasy manontolo ihany koa.

Rainilita



Président Guito fony fahavelony.

« Orange Pro League 2021/2022 »

Andro iray sisa dia hiditra amin'ny Playoffs

Nampita vaovao ho an'ny rehetra ny amin'ny ho tohin'ny fifaninanana « Orange Pro League 2021/2022 » amin'izao fiandohan'ny herinandro izao, Andriamatoa Rakotoharimalala Mirado, Sekretera Jeneralin'ny Cfem.

Fampahatsiahivana ny tohin'ny fifaninanana aorian'ny andro faha-14 (26-27 martsa 2022):

Ny ekipa 4 voalohany isaky ny Conférence no mandray anjara amin'ny Playoffs. Hatreto dia ekipa 6 amin'ny 8 no efahazao ny tapakila :

Fosa Juniors FC
Elgeco Plus FootBall Club

CFFA-Andoharanofotsy
Ajesia
As Fanalamanga Foot-ball

Disciples Fc
Ekipa iray avy isaky ny Conférence no mamenozzy ho 8.

Rehefa fantatra ny filaha-



Rakotoharimalala Mirado Sg Cfem.

rana farany isaky ny Conférence dia mizotra amin'ny ampahefadala amin'ny Playoffs.

Mandroso / Miverina
4ème Nord vs 1er Sud (QF1)
4ème Sud vs 1er Nord (QF2)
3ème Nord vs 2ème Sud (QF3)
3ème Sud vs 2ème Nord

(QF4)
Mandroso / Miverina
QF1 vs QF4
QF2 vs QF3

Lalao tokana Izay mivoaka mpandresy amin'ny famaranana, no voahosotra ho tompondkan'i Madagasikara 2022 ary hisolo tena ny Firenena, amin'ny fifanintsanana CAF Champions

League manaraka eo. Hozaraina aminareo tsy ho ela ny fandaharampo-toana.

Fanamarihana amin'ny Lalao mandroso/miverina : toy ny fiovana misy amin'ny fifaninanana maro manerantany dia tsy ho raisina intsony ny baolina maty an-tanin'olona (but marqué à l'extérieur). Noho izany, vao mitovy ny isan'ny baolina tafiditra sy nidirana tam'in'ny Lalao roa, dia tonga dia miroso amin'ny fandakana tirs au but.

Voka-dalao andro faha-13 (sabotsy 19 sy alahady 20 martsa 2022) : Ajesia 1-0 Five Fc, Fosa Juniors Fc 3-0 Cosfa, Jet Kintana 1-0 Usca-foot, Tia Kitra Fc 0-2 As Fanalamanga, Jfc Toliara 3-6 Elgeco Plus, Disciples Fc 3-0 Mama Fca, 3Fb Toliara 2-2 Cffa, Zanakala Fc 3-3 A.Dato Fc.

Rainilita



NY VALOSOA sy Mahaliana

Ny tanànan'i Bebakony Sud, distrikan'i Maintirano faritra Melaky

Ny tanànan'i Bebakony Sud, distrikan'i Maintirano faritra Melaky indray, no Mahaliana eto amin'ny gazetinao androany. Renivohitry ny kaominina Bebakony Sud ity tanàna ity, iray amin'ireo kaominina miisa 14 mandrafitra ny distrikan'i Maintirano. Any andrefan'ny faritra Melaky no misy azy. Mbola azo lazaina ho ivatoerana izy, satria 49 m ny haavony mihatra amin'ny ranomasina. Vokatra any ny vary, ny voanio fakana menaka, ny haninkotrana toy ny mangahazo sy ny katsaka. Mpiony omby ny mponina any Bebakony, misy ihany koa ireo mpanjono.

